

SONETTO DIALETTALE
mandadu a Giuanne Falconi

*Giuanne iscusa si t'happo infadadu,
In custas oras de necessidade,
Mi cunfido comente unu frade,
Dae tottunu babbu generadu.*

*Deo cun tegus so sempr' istadu
Generosu, pienu e libertade,
Mi piego de onzi calidade
Si dae te benzera cumandadu*

*Sa propria natura richiamada
De nos amare tottus si podimos,
Cun veru affettu, cun coro cun brama.*

*Cando unu cun s'ateru si amada
Comente fizos de tottuna mama,
In custa vida ite menzus cherimos?*